



1918-yil  
21-iyundan chiqq  
boshlagan

№29, 2021-yil 4-avgust,  
chorshanba (32.671)

Ijtimoiy-siyosiy gazeta

# O'zbekiston OVOZI

*Barchaga g'amxo'rlilik – davlatning burchi*



**Акбар Жўраев  
ТОКИОДА ОФИР ТОШЛАРНИ,  
ЎЗБЕКИСТОНДА  
МИЛЛИОНЛАБ  
ЮРАКЛАРНИ ҚАЛҚИТДИ!**

Оғир атлетика бўйича "Токио-2020" ўйинлари иштирокчиси Акбар Жўраев Ўзбекистонга иккинчи олтин медални олиб келди!

109 кг вазн тоифасида Ўзбекистон шарафини ҳимоя қилган оғир атлетикачи даст кўтариш (193 кг) ва силтаб кўтариш (237 кг) машқларида жами 430 кг.ни ўзига бўйсундириб, Олимпиада чемпиониغا айланди. Эътиборли жиҳати, унинг натижаси Олимпиада рекордини янгилади. Спортчимиз ўз ғалабаси билан нафақат Олимпиада минбарини, балки миллионлаб ўзбекистонлик мухлислар қалбини ҳам забт этди.

Чемпионнинг бу зафари 50-ўринга тушиб кетган юртимиз спортчиларини 3 август ҳолатига кўра, 28-ўринга олиб чиқди.

## ИМТИҲОНГА ТАЙЁРМИСИЗ?

Бугун абитуриентлар катта ҳаяжон билан эртанги кунни кутишмоқда. Маълум қилингандек, 5 августдан олий таълим муассасаларига кириш имтиҳонлари бошланади.

Тайёргарлик жараёнлари, имтиҳонларни ўтказиш тартиби ҳақида Давлат тест маркази бошқарма бошлиғи Фарҳод Мирзажонов бизга қуйидагиларни хабар қилди.

### ИМТИҲОН ВАҚТИ

2021/2022 ўқув йили учун 1 миллион нафардан ортиқ абитуриент рўйхатдан ўтди. Қоида тариқасида, тест синовлари кунига икки сменада ўтказилади. 1-смена 5 август 07:00 да, 2-смена 19:00 да бошланади. Давлат комиссияси баёни билан пандемия шароитида абитуриентларга қулайлик яратиш мақсадида тест топшириқлари сони мақбуллаштирилиб, кириш тест синовларига жами 3 соат вақт ажратилди. Имтиҳонлар 10-11 кун давом этади.

### ФАНЛАР ВА БАЛЛАР

Барча тест топширувчилар учун мажбурий бўл-

ган 3 та фан бўйича: она тили (ўзбек, рус ёки қорақалпоқ тили), математика ва Ўзбекистон тарихи фанларидан 10 тадан савол тузилган. 2 та қўшимча фан ихтисослигига кўра танланади.

Умумий ҳолда 2021/2022 ўқув йили қабулида абитуриентларга 5 та фан бўйича жами 70 та тест топшириғи берилади. Бунда тўллаш мумкин бўлган максимал балл – 189 баллни ташкил этади.

### НАЗОРАТ ҚАНДАЙ БЎЛАДИ?

Назорат олдинги йилдаги тартибда бўлади. Абитуриентлар видеокузатув орқали паспорт асосидаги рухсатнома билан киритилади. Имтиҳон жараёнлари тўғридан тўғри эфирга узатилади ва бу орқали ҳар бир абитуриентнинг ҳаракати кузатилади.

Тест синовлари очик майдонда ўтказилишини инобатга олган ҳолда имтиҳонга бош кийим билан киришга рухсат берилади. Абитуриентларга ичимлик суви, тиббий ниқоб ва рўчқалар имтиҳон вақтида берилади.

**Гулрух ОДАШБОВА**  
тайёрлади.



## УНИНГ «Malibu» СИ ЙЎҚ, ЛЕКИН...

Бозорда юк ташиб, кунига 3-4 сўм пул топиб, оиласини шу билан боқадиغان бир киши бор экан. Асли қосонлик, туғма ногирон бу киши ўқишни билмаскан, гапиролмаскан, лекин ҳамма нарсани тушунаркан.

Бир кун қўлида бир парча қоғоз билан бир инсоннинг ёнига келиб, ушбу қоғозни ўқиб беришни илтимос қилибди. Уша инсон ўқиб кўрса, ИПХ жаримаси, МИБга ўтказилган, улар "участковой"га жўнатган экан... Суриштирилса 6 ой аввал катта йўлдан қишлоққа киришда, велосипед билан кетаётганда ИПХ ходими тўхтатган экан. Жарима эса пиёда йўлни нотўғри кесиб ўтишига ёзилган (87 000 сўм). Вазият тушунтирилгач, туғма ногиронлиги бор инсон бирдан қаердандир 90 000 сўм топиб келиб, "шуни телефонингдан тўлаб юбор", дебди имо-ишора билан.

Уша инсоннинг "Malibu"си бўлмаса ҳам қонунларга ҳурмати, уяти ва ғурури бор эканлиги, баъзи бир амалдорларга ўрнак бўлса, фойдадан ҳоли бўлмас эди.

Тоштемир МУРОД



Расм интернетдан олинди.







Чилла бошларида кучли шамоллар кўпайди, нечалаб мевали дарахтларнинг шохлари синиб кетди, ўсимликлар пояси шамолда тебраниб, ётиб қолди, ҳосил чўғи пасайди.

4-avgust, chorshanba, 2021-yil.  
№29 (32671)

# ЧИЛЛА ЧИҚАЯПТИ – ХЎШ, УНИ ҚАНДАЙ КУЗАТАЯПМИЗ?

**Халқимизда чилла билан боғлиқ удумлар, маросимлар, иборалар, мавсумий ишлар жуда кўп. Янги оила – чиллалик, оғир касал бўлса – момолар чилёсин ўқийди, қишнинг қаҳратонида мевали дарахтларга чилла суви берилади, қадимий мадраса ва хонақоҳ ертўласида, албатта, чиллаҳона бор, чақалоқ туғилса момолар 40 кун чиллага олади, халқ оғзаки ижодиди мушкулотга йўлиққан ботирларга қирқ чилтон ёрдамга келади. Хуллас, чилла ажабтовур сирли-сеҳрли, пафосли тушунча, менталитетимизга мустаҳкам ўрнашган образ.**

## НИМА УЧУН АЙНАН ҚИРҚ КУН?

Ҳаммамиз қизиқиб, катталардан шулар ҳақида кўп сўраганмиз, тўғрими? Аслини олганда ҳам қизиқ-да. Ёз чилласи кириши билан момоларимиз "пойабзалсиз юр, чиллада фойдаси катта", дейишарди. Бобо-бувиларимизнинг сир-синаотларга бой ҳикояларини тинглаб, чиллада нима қилиш мумкин нима мумкин эмаслиги ҳақида илк тасаввурларимиз уйғонгани ҳам рост.

Атрофимиздаги ҳодисалар ҳақиқатан ҳам чилла билан боғлиқми? Узоқ йиллар, асрлар давомида авлоддан-авлодга ўтиб келаётган ушбу ёзилмаган қонунлар, халқ тили билан айтганда "ўлмас анъаналар"нинг моҳиятида нима ётади ўзи? Бу саволларга аниқ жавоб бериш мушкул. Қолаверса, чилла нега айнан 40 кун эканлигини ҳам ҳеч ким билмайди. Аммо, шу 40 кунда табиат бошқача бўлади, ростдан ҳам бир бутун давр сифатида муайян об-ҳаво ҳўкм суради.

Сирасини айтганда, бу йил ҳўкуматимизнинг пойдор ташаббуслари туфайли чиллага оламшумул фестиваллар, концертлар билан кириб келдик. Мана, эндиликда чилладан 50 кишилик тўйлар, геометрик прогрессия бўйича ривожланаётган коронавиралар инфекцияси, халқимизни чирмаб олаётган пневмония, вакцина атрофидаги шубҳали гаплар билан чиқиб кетаяпмиз. 40 туяга юк бўладиган бу гапларнинг даромади битта – соғлом бўлиш, ҳаёт гулини авайлаш керак. Бинобарин, чилла билан боғлиқ маросимлар моҳиятида ҳам шу фалсафа туради.

## 5 АВГУСТ: ЁЗ ЧИЛЛАСИ БИЛАН ХАЙРЛАШАМИЗ, АММО МАВХУМИЯТ ЧИЛЛАСИ ДАВОМ ЭТАДИ

**Барно ОДИЛОВА, Аҳолининг соғлом турмуш тарзини қўллаб-қувватлаш ва жисмоний фаоллигини ошириш маркази директори:**

– Қадимда ота-боболаримиз чилланинг 1 куни қолса ҳам кўрқ, дейишарди. Моҳиятига, мазмунига эътибор берадиган бўлсак,



## ЧИЛЛАДА ЧУМАК УРГАН БУ ВАҲИМАЛАР КўНГЛИМИЗГА ҒУЛҒУЛА СОЛГАНИ ҲАМ РОСТ. АСЛИДА, ОҒИР, ХАТАРЛИ ЁКИ МАСЪУЛИЯТЛИ ДАВРНИ АНГЛАТУВЧИ ЧИЛЛА ДАВРИ ТУГАШИ БИЛАН БУНДАЙ НОХУШЛИКЛАР, ДИЛНИ ХИРА ҚИЛАДИГАН ҲОДИСАЛАР ҲАМ ЧИҚИБ КЕТИШИДАН УМИДВОРМИЗ!

чилла баъзи ҳодисаларнинг энг оғир, хатарли ёки масъулиятли даврини англаувчи тушунча. Халқимизнинг азалий анъаналарига кўра, қирқ кунлик давр "чилла" ёки "саратон", деб аталади. Бу давр бевосита мамлакатимиз иқлими, физик-географик жойлашуви билан белгиланади. Уртача энг юқори ҳарорат аслида чилла даврига тўғри келади.

– Ёшлигимиздан момоларимиз шу асосида иш тутишган. Бу бежизга эмас-да, – дейди **84 ёшли Улфатхон Отажонов**. – Чақалоқ туғилгандан кейинги 6-8 ҳафталик муддат чилла даври ҳисобланади. Масалан, чақалоқ туғилган уй чиллани уй ҳисобланади. Бу даврда айнан шом вақтида кўп нарсалар чекланади. Шомда келган меҳмонларга чақалоқ кўрсатилмайди, кеч тушиши билан боланинг ювилган кийимлари ташқарида қолдирилмайди, онага ҳам шом вақти ташқарида чиқиб ман этилади. Чилланинг 40-куни эса чақалоқ «тилла суви»да чўмилтирилади. Бунда онанинг барча тилла тақинчоқлари челақдаги сувга

солинади ва бола шу сувда чўмилтирилади. Бу «боланинг ҳаёти тилла каби тоза бўлсин», деган маънони англатади. Кейин чилладан эсон-омон чиққани учун юлқа пиширилади, яқинларга, кўни-қўшнилари тарқатилади, чақалоққа янги уст-бош кийдирилади. Чилла чиққанининг белгиси сифатида она ва чақалоқ меҳмонга боришади.

Чилла чақалоқ ва аёл саломатлиги учун ниҳоятда муҳим давр эканлигини замонавий тиббиёт ҳам тасдиқлаган. Аммо, чилласи чиқмай нобуд бўлаётган чақалоқлар, сифатсиз тиббий хизмат, коронавиралар юқтирган оналардан туғилган болалар масаласи ҳали кун тартибига чиққани йўқ. Энг алам қиладиган реал ҳақиқат шуки, ўтган бир йил давомида бизнинг тиббиёт

## ЧИЛЛАДА ЧУМАК УРГАН БОШҚА ВАҲИМАЛАР

Ҳа, бу йил чиллада бир қатор тушунарсиз ишлар бўлди. Жуда кўп ташкилотларнинг пухта ўйланмаган қадамларини кўрдик. Тушунарсиз карантин, Тошкент карантинга ёпилади, деган ваҳимали баёнот, кейин эса ҳеч нима бўлмагандек юришлар, хуллас, халқ аросатда қолди.

Толибон июнь охирига келиб, чегарамиз остонасида пайдо бўлди. Дастлабки қочқоқлар Ўзбекистонга ўтди, уларга ёрдам кўрсатилди ва ўз юртига қайтарди ёборилди, бетарафлик сақланди.

Бу йил ёз чилласида ёнғинлар ҳар қачонгидан кўп бўлди. Айниқса, Жомбойдаги "Зарафшон миллий табиат боғи", Зоминдаги ўрмон ёнғинлари яқин келажакда ёввойи табиатга саёҳатни назорат этувчи ташкилотлар – Туризм ва спорт қўмитаси ҳамда ҳуқуқ-тартибот идоралари олдига янгича масъулият қўймоқда.

Энг асосийси, коммунал соҳа бу йилги чиллада халқ нафратига учраганини яширишнинг ҳожати йўқ. Ташқарида аномал иссиқлик, ичкарида – хонадонда сув йўқ, электр йўқ, одамлар қаёққа борсин?

Партия очиш вавасасига учраганлар ҳам шу ёзда роса авжига чиқди. Кейин ўз касбига қайтгани эълон қилди. Аммо, нима бўлганда ҳам сиёсий ҳаётимизга янги кучлар қўшилмоқчи бўлаётгани, партиялар фаоллашаётгани барчамизни сергак тортириши шарт. Гап бу кучларнинг уринишида эмас, танлаган йўли ва услубида, ғайриоддий даъволарида. Шундай қилиб, бу йилги чиллада шундай воқеаларга гувоҳ бўлдик. Чиллада чумак урган бу ваҳималар кўнглимизга ғулғула солгани ҳам рост. Аслида, оғир, хатарли ёки масъулиятли даврни англаувчи чилла даври тугаши билан бундай нохушликлар, дилни хира қиладиган ҳодисалар ҳам чиқиб кетишидан умидвормиз!

**Лазиза ШЕРОВА,**  
"Ўзбекистон овози" муҳбири.

# ЕР АЖРАТИШ ТАРТИБИ ЎЗГАРДИ

## Энди жараён устидан жамоатчилик назорати кучайтирилади



**Ерлардан самарали фойдаланиш ва уларни муҳофаза қилиш, фойдаланишда барчага тенг имкониятлар яратиш ҳамда қонун устуворлигини таъминлаш давлатнинг асосий вазифаларидан биридир.**

Президентимиз томонидан 2021 йил 8 июнь куни "Ер муносабатларида тенглик ва шаффофликни таъминлаш, ерга бўлган ҳуқуқларни ишончли ҳимоя қилиш ва уларни бозор активига айлантириш чора-тадбирлари тўғрисида"ги Фармон қабул қилинди.

Ушбу Фармон ер муносабатларини қонуний

## ЎЗБЕКИСТОН РЕСПУБЛИКАСИ КОНСТИТУЦИЯСИ, 55-МОДДА:

"ЕР, ЕР ОСТИ БОЙЛИКЛАРИ, СУВ, ЎСИМЛИК ВА ҲАЙВОНОТ ДУНЁСИ ҲАМДА БОШҚА ТАБИИЙ ЗАХИРАЛАР УМУММИЛЛИЙ БОЙЛИҚДИР, УЛАРДАН ОҚИЛОНА ФОЙДАЛАНИШ ЗАРУР ВА УЛАР ДАВЛАТ МУҲОФАЗАСИДАДИР".

## ЎЗБЕКИСТОН РЕСПУБЛИКАСИ ЕР КОДЕКСИ, 16-МОДДА:

"ЕР ДАВЛАТ МУЛКИ — УМУММИЛЛИЙ БОЙЛИҚДИР, УНДАН ОҚИЛОНА ФОЙДАЛАНИШ ЗАРУР, У ДАВЛАТ ТОМОНИДАН МУҲОФАЗА ЭТИЛАДИ ҲАМДА ОЛДИ-СОТДИ ҚИЛИНМАЙДИ, АЙИРБОШЛАНМАЙДИ, ҲАДЯ ЭТИЛМАЙДИ, ГАРОВГА ҚўЙИЛМАЙДИ".

тартибга солиш борасида янги даврни бошлаб берган тарихий ҳужжат бўлди. Эндиликда ҳокимиятларнинг ерларни тўғридан-тўғри ажратиш, захиралаш, ободонлаштиришга ажратиш ва бошқа ваколатлари бекор қилинмоқда, ерга бўлган ҳуқуқлар қисқартрилмоқда ҳамда ер участкалари хусусий секторга мулк ҳуқуқи ва ижара ҳуқуқи асосида берилиши, давлат ташкилотларига эса доимий фойдаланиш ҳуқуқи асосида берилиши белгиланмоқда.

Бундан буён маҳаллий давлат ҳокимияти органлари ер участкаларини тўғридан-тўғри ажратиш, фойдаланишга бериш ёки ерларни тасарруф қила олмайди.

Фармондаги бундай қатъий ўзгаришларнинг асосий мақсади ерларнинг талон-торож қилиниши, ер ажратиш борасида коррупцион ҳолатларнинг авж олиши, ернинг ноқонуний олди-сотди объектига айланиб қолиши каби нохуш ҳолатларнинг олдини олишга қаратилган. Ушбу Фармоннинг яна бир жиҳати, электрон онлайн-аукцион ва очик танловга қўйиш учун ер участкаларини танлаш, аукцион ва танловда иштирок этиш учун мувожаатларни қабул қилиш, аукцион ва танловни ўтказиш, унинг натижаларини расмийлаштириш билан боғлиқ

барча жараёнлар, истисноларсиз фақат электрон ахборот тизимларидан фойдаланган ҳолда, электрон ҳужжат алмашинуви йўли билан амалга оширилиши ҳам айнан ерларни очик ва ҳаққоний тарзда ҳақиқий эгасига топшириши мақсад қилган.

Мазкур Фармоннинг қабул қилинишига халқимиз ўртасида маҳаллий давлат ҳокимияти органларига бўлган ишончсизлик, ер участкаларини ажратиш билан боғлиқ коррупцион ҳолатлар ҳамда непотизм ҳолатларининг учраши, яъни қариндош-уруғ ва ошна-оғайничилик алоқаларини биринчи ўринга қўйган ҳолда ер участкаларини ажратиш бериш сабаб бўлди, десак муболаға бўлмайди.

Ушбу ҳужжатнинг қабул қилиниши ерга оид муносабатларни тартибга солишни янги босқичга олиб чиқиб, унинг ажратилишида инсон омилини минимал даражада камайтириш, бу орқали коррупцион ҳолатларнинг олдини олиш ҳамда ерни ҳақиқий бозор активига айлантиришга хизмат қилади.

Бир сўз билан айтганда, энди ер ажратишда таниш-билишчилик даври эндиликда тарихда қолди.

**Рустам КЕНЖАЕВ,**  
Тошкент давлат юридик университети Экология ҳуқуқи кафедраси доценти.



Қани Вазирлар Маҳкамасининг ўнлаб қарорлари ижроси? Нега гўшт импорти муттасил ошиб бормоқда?

## МАРКАЗИЙ БАНК ҲУКУМАТДАН ҲАҒА – ГЎШТ ИМПОРТИ МУТТАСИЛ ОРТИБ БОРМОҚДА

**Марказий банки томонидан ўтказилган матбуот анжумани доим қизиқарли бўлади. Бу сафар ҳам қўрилмаган рақамлар, фактлар ва муаммоли ҳолатлар ҳақида хабар берилди. Уларнинг қайд этишича, жорий йилнинг II чораги бўйича мамлакатимизда иқтисодий фаолликнинг жадаллашиши давом этиб, аксарият тармоқларда ўсиш кўрсаткичлари пандемиягача бўлган давр даражасига етган.**



Қизиқ томони, Марказий банкнинг ўзи бундай чора-тадбирлар мажмуини ишлаб чиқишга бош-қош бўлиши керак эмасми?

Ҳўп. Яна бир қизиқ маълумот. Гўшт маҳсулотлари ва қорамоллар импорти ҳажмининг ошиб боришига қарамай, ички бозорларда гўшт маҳсулотлари нархларининг ўсиш динамикаси сақланиб қолади. Янги тузилган Ветеринария ва чорвачиликни ривожлантириш давлат қўмитасига саломлар! Қани Вазирлар Маҳкамасининг ўнлаб қарорлари ижроси? Нега гўшт импорти муттасил ошиб бормоқда?

Марказий банкнинг ҳисоб-китобига кўра, ҳудудларда чорва учун зарур озук базасини кўпайтириш ва маҳаллий ишлаб чиқариш ҳажмларини ошириш орқали бу маҳсулотларнинг барқарор нархини шакллантириш мумкин.

Бир сўз билан айтганда, Марказий банк муттасил айтишга, тарқи ва ички иқтисодий шароитлар таъсирида юзага келадиган инфляцион омиллар ва хатарларни синчиқовлик билан ўрганиб, уларни бартараф этиш бўйича тегишли чоралар кўриб борилмоқда. Ишонини ҳам, ишонмасликни ҳам билмайсан. Чунки, реал воқелик бу гапларни тасдиқламапти, ўртоқлар.

**Таштемир ХУДОЙҚУЛОВ,  
"Ўзбекистон овози" муҳбири.**

Шунингдек, матбуот анжуманида иқтисодиётда сезилган инфляция ва инфляцион қўрилмалар даражасининг юқори қолаётганлиги ҳамда уларнинг асосий озик-овқат маҳсулотлари нархлари ўзгаришига таъсирчанлигининг юқорилиги инфляцион вазиятни янада кучайтириши мумкинлиги таъкидланди. Шу билан бирга, Марказий банк масъуллари дори-дармон ва озик-овқат нархлари кескин ошиш эҳтимоли борлигини ҳам алоҳида қайд этишди.

Келгуси ойлари пандемия билан боғлиқ вазиятнинг ўзгариши шароитида дори-дармонлар, тиббий хизматлар ва асосий озик-овқат маҳсулотлари нархлари кескин ошиши мумкинлиги ва бунинг олдини олишга, карантин билан боғлиқ чекловларнинг умумий овқатланиш, транспот ва етказиб бериш хизматлари соҳаларидаги нархларга таъсирини камайтириш лозимлиги тўғрисида Марказий банк ҳукумати чора кўришга қақирди.



## СҮЮНЧИ БЕРМАСАМ МАЙЛИМИ?..

Қиш охирига, баҳорнинг илк шабадалари эсаётган бўлса ҳам кунлар анча салқин эди. Ойим иккаламиз бозорга тушгандик, уйдан шошилиш кўнғироқ бўлди. Ой-куни яқинлашиб қолган келиноиймнинг ахволи оғирлашиб қолибди.

Машина учун қўшимизни югурдим. Ҳайриятки, қўшимиз уйда экан. Ойим, келиноийм шошилиб шифохонага кетишиди. Орадан бир соат ўтди, йўқми, улар қайтиб келишди. Нима эмиш "ҳали бола туғилишига эрта, кўп ҳам ваҳима қилаверманг", деб шифокорлар айтишган эмиш. Камига улар шифохонада битта оғрик қолдирадиган укол қилиб қўйибди ва уйда ҳам агар мабодо оғрик бўладиган бўлса, деб худди шу уколдан эзиб беришибди. Майлида, нима бўлганда ҳам шифокорларга бориб кўриниб келдик-ку, деб кўнғилимиз хотиржам бўлди. Қарангки, хотиржамлигимиз узоққа чўзилмади. Келиноийм ярим кечаси оғрикча чиқолмай яна инграши бошлади. Бундан хавотирга тушиб, ҳамшира бўлиб ишлайдиган қўшимиз Сабо янгани қақирдик. У ҳам келиноиймни туғуруқхонага олиб қолмаганини тушунолмади, айтилган "укол"ни қилиб чиқиб кетди.

Кўзим илинган экан, қанча уҳладим билмайман, онамнинг йиғлаб тур, турақол деганларига сақраб туриб кетдим. "Қизим, югур, машина-машина" дерди ойм тинмасдан. Мен яна қўшникига чопдим, афсус, машинаси билан қаергадир кетган экан. Шовқин-суронни эшитиб келган бошқа ён қўшимиз тез ёрдамга кўнғироқ қилди. Ҳайрият, тез ёрдам яқин атрофда экан, йўналишини бизнинг уй томон ўзгартирибди.

Оғрикнинг зўридан умуман мадори қолмаган келиноиймни амаллаб машинага чиқардик. Ана етдик, мана етдик билан ярим йўлга борганимизда, «ингаинга», деган овозни эшитдик. Ҳа, чақалоқ дунёга келди, шунча югур-югуримизга қарамадан барибир улғурмадик. Бизни хотиржам қилмаётган нарса шуки, совуқ тунларнинг бирида қайсидир бир бефарқ оқ халат кийган, ўзидан шифокор ясаб олганнинг дастидан жияним тез ёрдам машинасида туғилди.

Тез ёрдам машинаси бўлса ҳам унда на ёпинчик, на бошқа нарса бор. Етиб борганимизча чақалоқ қалтираб, совқотиб қолди. Ва ниҳоят, етиб келдик, болақайнинг киндигини кесиб, юқори қаватга олиб чиқиб кетишди, онаси эса паства қолди. Мен тушунмай ҳайрон бўлдим. Бу оқ халатлиларнинг дардини қаердан ҳам билардим, ахир бунақа ҳолатга биринчи марта дуч келиб турибман. Ҳали у ёққа ўтади, ҳали бўёққа, аммо онасини боласига олиб бормайди. Онамга қараб нега бундай қиялпти, деб имо-ишора билан тушунтирдим. Дарди суюнчи-да болам, дедилар шивирлаб.

Уйдан шошилиб чиққанлигимиз учун пул олиш ҳаёлимизга ҳам келмапти, ҳаттоки чақалоққа ёпинчик ва керакли нарсаларни олиш учун ёнимизда пул йўқ эди.

Бу вазиятда биз нима қилишни билмас эдик. Айбимиз шошилиб, уйдан пул олиб келишни унутганимиз эди. Агар ойм уларнинг чўнтагини қаппайтирмасан, она ва болани умуман қаровсиз қолдиришни билар эди. Буёғи "ўзбек"чилиқда, камига чақалоқни ҳам ўйладилар, унга яхши қарамасликларидан кўрқди. Набирам оч қолиб кетмасин деб, шу ерда ўз яқинларини пойлаб турган танишларидан бир-икки сўм қарз олдилар-да, мана суюнчи, деб берди.

Чақалоқ тез ёрдам машинасида туғилган бўлса, уларнинг суюнчи олишга нима ҳаққи бор? Уч-тўрттаси турнақатор туриб олиб, ёрдам беришганини айтиб, бир-бирини кўрсатарди.

Йўлда туғилган чақалоқ учун 4-5 киши суюнчи пули олмасдан, онасининг олдига қўйишмади-я, қойил! Яна "бу кам, қўшинг", дейишига тоқат қила олмадим! Муллажиринг уларнинг томоқчасидаги мурватини бураб қўйди шекилли, муомалалари бир чиройли бўлди-қолди.

Келиноиймни чақалоқнинг олдига олиб кетишни кузата туриб, бу каби туғуруқхоналарда оқ халат кийган «чўнтак овчилари»нинг қачондир инсофга келишига умид умуман йўқмикан, деб ўйлаб қолдим.

**Ситора ХУСАНОВА,  
ЎЗЖОҚ талабаси.**

### РЕКЛАМА ЎРНИДА



## СУВ ТАЪМИНОТИ КОРХОНАЛАРИ НАЗОРАТЧИЛАРИ ИСТЕЪМОЛЧИЛАРДАН ТўҒРИДАН-ТўҒРИ ТўЛОВ ТАЛАБ ҚИЛИНМАЙДИГАН ТИЗИМГА ЎТМОҚДА

**"ЎЗСУВТАЪМИНОТ" АКЦИЯДОРЛИК ЖАМИЯТИ ТОМОНИДАН СОҲАНИ РАҚАМЛАШТИРИШ ОРҚАЛИ ТўЛОВ ИНТИЗОМИ ВА МАДАНИЯТИНИ КУЧАЙТИРИШ, ШУНИНГДЕК, АҲОЛИ ТОМОНИДАН ТўЛАНАётган ТўЛОВЛАРНИНГ ШАФФОФЛИГИНИ ЯНАДА ОШИРИШ ОРҚАЛИ КОРРУПЦИОН ҲОЛАТЛАРНИНГ ОЛДИНИ ОЛИШ БўйИЧА БИР ҚАТОР АМАЛИЙ ИШЛАРНИ АМАЛГА ОШИРИБ КЕЛМОҚДА.**

Жумладан, бу каби чораларнинг амалдаги кўриниши сифатида жорий йил 20 майдан бошлаб пилот лойиҳа тарихида Тошкент вилоятининг Қибрай ва Тошкент шаҳрининг Олмазор ҳамда Шайхонтоҳур туманларида сув таъминоти корхоналарининг назоратчилари томонидан хизматлар учун аҳолидан пул ундириш ишлари тўхтатилган эди. Ушбу ҳудудларга бириктирилган назоратчилар фақат белгиланган тартибдаги кузатув ва хатлов ишлари билан шуғулланиши, улар тасарруфидаги тўлов терминаллари ва терморпринтерлар бошқа ҳудудларга бириктирилганди. Мазкур пилот лойиҳа

натижалари таҳлили ўзининг ижобий кўрсаткичларини намоён этди. Жумладан, ушбу туманлардаги ичимлик ва оқова сув хизматлари учун истеъмолчилар томонидан тўловларнинг мустақил равишда амалга оширилиши ҳажмлари, тўлов интизоми мустақамланиб бормоқда. Шунингдек, операциялар томонидан истеъмолчиларнинг 19 197 таси хатловдан ўтказилди ҳамда 1 миллиард 839 миллион сўмлик қарздорлиги мавжуд 1 128 нафар истеъмолчи ишлари мажбурий ундириш юзасидан суд органларига топширилди ва бу борада 32 та қарздор истеъмолчи қайта

Красногорск шаҳарчасида;  
Фарғона вилоятининг Қува ва Қўштепа туманларида;  
Хоразм вилоятининг Гурлан ва Ҳазорасп туманларида;  
Қашқадарё вилоятининг Нишон, Муборак ва Косон туманларида;  
сув таъминоти корхоналарининг назоратчилари томонидан хизматлар учун аҳолидан пул ундириш ишлари тўхтатилади.  
Уз навбатида, ичимлик ва оқова сув хизматлари учун тўловларни ўз вақтида амалга оширишда Сиз қулай ва тезкор бўлган қўйидаги воситалардан фойдаланишингиз мумкинлигини эслатиб ўтамиз:  
- Cabinet.uzst.uz шахсий кабинет орқали;  
- @uzst\_bot телеграм-боти орқали;  
- электрон тўлов тизимлари (Click, Paynet, Урау, Рауме, Осон) ҳамда тўлов инфокиосклар орқали;  
- тижорат банклари мобил иловалари орқали;  
- тижорат банк кассалари ва шахобчалари ҳамда почта бўлимлари орқали.

Бир сўз билан айтганда, ичимлик ва оқова сув хизматлари фойдаланувчилари ушбу пилот лойиҳа даврида истеъмол қилинган ичимлик суви ва оқова сув хизматлари учун сув таъминоти корхоналари назоратчилари тўғридан-тўғри тўлов талаб қилишлари ҳолатларига дуч келсангиз, "Ўзсувтаъминот" АЖнинг коррупцияга қарши курашиш бўйича 555-03-1055 телефон рақамига ёки stopcorruption@umail.uz электрон почтаси орқали муурожаат қилинг (муурожаатнинг шахси сир тутилиши кафолатланади).

Шунингдек, республика бўйлаб 12-55 ягона қиска рақами (эслатиб ўтамиз, ушбу рақам орқали боғланишда барча кўнғироқлар бепул) ҳамда "Сувтаъминот/Водоснабжение" (t.me/uzsuv\_chat) телеграм-чати воситасида соҳага оид барча саволлар, тақлифларнинг билан муурожаат қилишингиз мумкин.

Соҳада олиб борилаётган ва авваламбор, аҳолига хизмат кўрсатиш кўламини ва сифатини оширишга қаратилган бу каби ислохотларни қўллаб-қувватлашингизга умид билдириб қоламиз.

**"Ўзсувтаъминот" АКЦИЯДОРЛИК ЖАМИЯТИ АХБОРОТ ХИЗМАТИ.**

Тошкент давлат шарқшунослик университети жамоаси Эрон-афгон филологияси кафедраси профессори, филология фақлари доктори, забардаст паштушунос олим  
**Раҳмонхўжа ИНОМХўЖАЕВ**нинг вафот этганлиги муносабати билан унинг оила аъзоларига ва яқинларига чуқур таъзия изҳор этади.

Тошкент давлат шарқшунослик университети жамоаси Ташқи иқтисодий фаолият ва туризм кафедраси муdiri Қодирова Зулайхо Абдуҳалимовнага онаси, тарих фақлари доктори, профессор  
**Доно ЗИЁЕВА**нинг вафот этганлиги муносабати билан чуқур таъзия изҳор этади.

## РЕКЛАМА О'РНИДА

4-avgust, chorshanba, 2021-yil.  
№29 (32671)

### "ПРОЕКТ -СЕРВИС" МЧЖ:

# БУНЁДКОРЛИК ЙЎЛИДА



**Бугунги замон барчамиздан шиддат билан ишлашни тақозо этади. Бунёдкор ва танти халқимиз фаровонлигини ошириш учун олдимизга муҳим вазифалар қўйилганлиги ҳаммамизга катта масъулият юкламоқда. Шундай профессионал касб эгалари борки, улар туфайли республикаимиз шаҳар ва туманларининг ташқи қиёфаси йилдан-йилга замонавий, янгича тус олаётганини кўриб қувонасан, киши. Юртимизда қад ростлаётган бино ва иншоотлар, барпо этилаётган объектларнинг макети ва дизайни лойиҳа яратувчи архитекторлар томонидан амалга оширилади.**



Наманган шаҳрида жойлашган "PROJEKT-SERVIS" масъулияти чекланган жамияти фаолияти ҳақида ҳикоя қилмоқчимиз. "Архитектор жуда ҳам юқори тафаккурга эга бўлиши керак. Биз турли хил соҳа объектларининг бошланғич нуқтасини тузишда иштирок этамиз. Айни пайтда, янги соҳалар ва технологиялар тобора янгиланиб бормоқда. Шунинг учун ҳам ҳар бир лойиҳани яратишдан аввал, унинг муваффақиятли чиқишига эътибор қаратишимиз зарур. Янги барпо этилаётган бино ёки иншоотларнинг чидамлилигида, ташқи ва ички кўринишида истеъдодимизнинг яққол намунаси кўзга ташланади. Замоннинг шиддат билан ўзгариб

бораётганлиги ўз касбимиз устида ҳаракатдан тўхтаб қолмасликка, янгилликларни ўқиб боришга чорлайди. Ҳар йили ёш мутахассисимиз Темура Садовников чет эл давлатларида бўлиб, янги инновацион лойиҳалар устида тажрибасини ошириб бораёпти", — дейди Владимир Садовников.

Жамият раҳбари Владимир Садовников бошчилигидаги корхона 1989 йилда ташкил этилган. Ҳозирги кунда 50 дан ортиқ мутахассиснинг иш билан бандлиги таъминланган. Жамоа томонидан амалга оширилган кенг кўламли ишлар Наманган вилояти ва республикамизнинг бошқа вилоятларида ҳам мақтовга сазовор бўлган.

Жамиятнинг ўтган йиллар ва ҳозирги кунга қадар ушбу соҳада олиб борган саъй-ҳаракатларига эътибор қаратадиган бўлсак, лойиҳачилар томонидан Наманган вилоят ҳокимлигининг ягона буюртмачи инжиниринг компанияси буюртмасига асосан Наманган шаҳар "Гўзал" даҳасида Болалар шифохонаси, "Юксалиш" МФЙ ҳудудида 990 ўринли замонавий мактаб ҳамда 150 ўринли яна бир Болалар шифохонасини қуриш, "Келажак тонги" МФЙда Оилавий поликлиника, Давлатобод тумани "Орзу" МФЙда 120 ўринли "Саховат уйи"ни қуриш, Поп шаҳар ичимлик суви тармоқларини қайта қуриш каби лойиҳа-смета ҳужжатлари ишлаб чиқилган. Шу билан бирга



Жамият раҳбари Владимир Садовников бошчилигидаги корхона 1989 йилда ташкил этилган. Ҳозирги кунда 50 дан ортиқ мутахассиснинг иш билан бандлиги таъминланган.



Россия Федерациясининг "СЕСТ Инфраструктурный Консалтинг" ООО буюртмасига асосан Наманган шаҳрида 53 кмлик ички сув тармоқларини қайта янгилаш ва "Мингчинор" сув насос станцияси ҳудудида марказий бошқарув биносини қуриш, "QISHLOQ QURILISH LOYIHA" МЧЖ буюртмасига асосан Наманган тумани "Олаҳамак" ва " Қоракўл"

МФЙ да аҳоли пунктини режалаштириш лойиҳа-сметаси, "O'ZBEKKOMUNALLOYIYNAQURULISH" DUK буюртмасига асосан Косонсой ҳудудида жойлашган "Косонсой-Фарм" кичик саноат зонасига ичимлик суви ва канализация тармоқларини тортиш объекти учун лойиҳа-смета ҳужжатлари ишлаб чиқилган ва фойдаланишга топширилган. Уларнинг лойиҳаси асосида Наманган шаҳар ва туманларида мустақкам бино ва иншоотлар бунёд этилди.



Жамиятда салоҳиятли архитектор ва мутахассислар кўп. Соҳа фидойилари бўлган Хусанбой Имомов, Салоҳиддин Солиев, Роҳат Назаров, Собитхон Тожиев, Аваз Мамадалиев шулар жумласидандир. Юртимизда "PROJEKT-SERVIS" масъулияти чекланган жамияти каби юқори савияга эга лойиҳа усталари бор экан, келгусида янада улкан ва осмонўпар биноларнинг қад ростланишига катта ишонч билдирамиз ва уларнинг ижодий ишларига муваффақиятлар тилаймиз.

Дилдора СУЛТОНОВА,  
журналист.

**РЕКЛАМА**

## ЎЗБЕКИСТОН RESPUBLIKASI АҲОЛИСИ ВА МЕҲМОНЛАРИ ДИҚҚАТИГА!

### ЎЗБЕКИСТОН RESPUBLIKASINING AMALDAGI ҚОНУНЧИЛИГИГА МУВОФИҚ, ЎЗБЕКИСТОН RESPUBLIKASI АХБОРОТ ТЕХНОЛОГИЯЛАРИ ВА КОММУНИКАЦИЯЛАРИНИ РИВОЖЛАНТИРИШ ВАЗИРЛИГИ «ЭЛЕКТРОМАГНИТ МОСЛАШУВ МАРКАЗИ» ДАВЛАТ УНИТАР КОРХОНАСИ ОГОҲЛАНТИРАДИ:

Республика ҳудудига рухсатномасиз ва сертификатсиз олиб кирилган ҳамда сотувда бўлган ишлатилаётган радиоэлектрон алоқа воситалари (узққ массифали радиоузаитиргичлар, радиостанциялар ва бошқа радиоузаитгич воситалари) ўрнатилган тартибда мусодара қилинади ва уларни олиб киришни амалга оширган шахсларга нисбатан маъмурий жавобгарлик чоралари кўрилади.

Радиоэлектрон алоқа воситаларини республика ҳудудига олиб кириш учун рухсатнома олиш ва ўрнатилган тартибда рўйхатдан ўтказишни расмийлаштириш масалалари бўйича «Электромагнит мослашув маркази» ва унинг вилоят бўлинмаларига мурожаат қилинг.

**Бизнинг манзиллар:**

<p><b>Тошкент шаҳри,</b> Фарғона йўли кўчаси, 15-уй, телефон: (71) 202-61-69.</p> <p><b>Андижон шаҳри,</b> Истиқлол кўчаси, 33-уй, телефон: (71) 230-64-65.</p> <p><b>Бухоро шаҳри,</b> академик И. Мўминов кўчаси, 2-уй, телефон: (71) 230-64-66.</p> <p><b>Жиззах шаҳри,</b> Ш.Рашидов кўчаси, 46-уй, телефон: (71) 230-64-68.</p> <p><b>Нукус шаҳри,</b> Ерназар Алакўз кўчаси, ШАТС биноси, телефон: (71) 230-64-75.</p> <p><b>Қарши шаҳри,</b> Мустақиллик кўчаси, 21-уй, телефон: (71) 230-64-78.</p> <p><b>Навоий шаҳри,</b> Амир Темура кўчаси, 4-уй, телефон: (71) 230-64-69.</p>	<p><b>Наманган шаҳри,</b> Марғилон кўчаси, 8-«А» уй, 2-корпус, 54-хона, телефон: (71) 230-64-72.</p> <p><b>Самарқанд шаҳри,</b> Сельский, Колбоғ, Радио шаҳарча, телефон: (71) 230-64-80.</p> <p><b>Термиз шаҳри,</b> Ат-Термизий кўчаси, 28-уй, телефон: (71) 230-64-79.</p> <p><b>Гулистон шаҳри,</b> Мустақиллик кўчаси, 54-уй, телефон: (71) 230-64-67.</p> <p><b>Фарғона шаҳри,</b> Б.Марғилоний кўчаси, 30-уй, телефон: (71) 230-64-74.</p> <p><b>Урганч шаҳри,</b> Ал-Хоразмий кўчаси, 108-уй, 23-хона, телефон: (71) 230-64-77.</p>
--	---

## O'zbekiston ovozi

**Bosh muharrir: To'liq TO'RAXONOV**

Navbatchi: **Ravshan SHODIYEV**  
Sahifalovchi-dasturchi: **Bekzod ABDUNAZAROV**

**MUASSIS:**

**TAHRIR HAY'ATI:**



O'ZBEKISTON  
XALQ DEMOKRATIK  
PARTIYASI  
MARKAZIY KENGASHI

Ulug'bek INOYATOV  
Ulug'bek VAYFOYEV  
Maqsuda VORISOVA  
Qalandar ABDURAHMONOV  
Guliston ANNAQILICHEVA  
Muslihidin MUHIDDINOV  
Hayotxon ORTIQBOYEVA  
Shuhrat ISLOMOV  
Toshtemir XUDOYQULOV

**E-mail: info@uzbekistonovozi.z**

**MANZILIMIZ:** 100000, Toshkent, Bunyodkor ko'chasi, 50 «A»-uy.

Gazeta O'zbekiston Matbuot va axborot agentligida  
0006-raqam bilan 2007-yil 11-yanvarda ro'yxatga olingan.

«Sharq» nashriyat-matbaa aksiyadorlik kompaniyasi  
bosmaxonasida chop etildi.  
Korxonaning manzili: Buyuk Turon ko'chasi, 41-uy.  
Gazeta ofset usulida, A-2 formatida bosildi. Hajmi — 4 bosma taboq.

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 841. 20283 nusxada bosildi.  
Nashr ko'rsatkichi — 220.

O'za yakuni —  
Topshirilgan vaqti — 20:30.

t — Tijorat materiallari



Газетанинг электрон саҳифасига  
ўтиш учун QR-кодни телефонингиз  
орқали сканер қилинг.

1 2 3 4 5 6

Sotuvda kelishilgan narxda